

GONDOMAR***ANUNCIO DE APROBACIÓN INICIAL DA MODIFICACIÓN DA ORDENANZA FISCAL REGULADORA DA TAXA POLO SERVIZO DE SUBMINISTRO E DISTRIBUCIÓN DE AUGA***

O Pleno do Concello de Gondomar, en sesión ordinaria celebrada o día 08/11/2012, acordou aprobo inicialmente a modificación da Ordenanza fiscal reuladora da Taxa polo servizo de subministro e distribución de auga. En cumprimento do sinalado nos artigos 17.1 e 2 do R.D.Lex. 2/2004, de 5 de marzo, polo que se aproba o Texto Refundido da Lei de Facendas Locais e 49 da lei 7/1985, de 2 de abril, Reguladora das bases do Réxime local, na redacción dada ao mesmo pola lei 11/1999, sométese o mesmo a un periodo de información pública de trinta (30) días aos efectos de reclamacións e suxestións, a contar desde o día seguinte ao da inserción do presente anuncio no BOP.

O expediente completo atópase de manifesto nos Servizos Xerais do Departamento de Administración Xeral do segundo andar da casa consistorial do Concello de Gondomar.

En Gondomar a 9 de novembro de 2012. — O Alcalde, Fernando Guitián Guitián.

2012010601***ANUNCIO DE APROBACIÓN DEFINITIVA DA ORDENANZA FISCAL REGULADORA DA TAXA POLA RECOLLIDA DE LIXO***

O Pleno do Concello de Gondomar, en sesión ordinaria celebrada o día 08/11/2012, acordou aprobar definitivamente a Ordenanza fiscal reuladora da Taxa pola recollida de lixo, coa resolución das alegacións presentadas, texto que se fai público en cumprimento do artigo 17 do R.D.Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

“ORDENANZA REGULADORA DA TAXA POLA RECOLLIDA DE LIXO***ARTIGO 1º. FUNDAMENTO E NATUREZA.***

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto nos artigos 2, 15 a 19, 20 a 27 e 57 do Texto Refundido da Lei Reguladora das Facendas Locais, aprobado polo Real Decreto Legislativo 2/2.004, de 5 de marzo, este Concello establece a Taxa pola prestación do servizo de recollida de lixo, que se rexerá pola presente ordenanza fiscal.

ARTIGO 2º. FEITO IMPOÑIBLE.

1. Constitúe o feito imponible desta Taxa a prestación do servizo, de recepción obrigatoria, de recollida de lixo domiciliario e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos no termo municipal de Gondomar, o seu transporte aos centros de eliminación e posterior tratamento.

2. A tal efecto, considéranse lixo domiciliario e residuos sólidos urbanos os restos e desperdicios de alimentación ou detritos procedentes da limpeza normal de locais ou vivendas e exclúense de tal concepto os residuos de tipo industrial, escombros de obras, detritos humanos, materias e materiais contaminados, corrosivos ou perigosos ou cuxa recollida ou vertido esixa a adopción de especiais medidas hixiénicas, profilácticas ou de seguridade.

3. Entenderase de recepción obrigatoria o servizo prestado a todas as vivendas e establecementos comerciais, industriais, profesionais ou doutros usos que figuren en condicións de habitabilidade ou utilización, con independencia de que estean ou non habitados ou utilizados.

ARTIGO 3º. SUXEITO PASIVO.

1. Son suxeitos pasivos contribuíntes as persoas físicas ou xurídicas e as entidades ás que se refire o artigo 35.4 da Lei 58/2003 de 17 de decembro, Xeral Tributaria, que ocupen ou utilicen as vivendas, establecementos e instalacións de calquer uso, sexa a título de propietario ou usufrutuário, habitacionista, arrendatario ou, incluso, de precario.

2. Para o caso das vivendas, son suxeitos pasivos substitutos do contribuínte e obrigados ao pago da taxa, os propietarios e usufrutuários das mesmas, quenes poderán repercutir, no seu caso, as cotas satisfeitas aos usuarios de aquelas, beneficiarios do servizo.

Igualmente, no caso de establecementos comerciais, industriais, profesionais ou de outros usos que se atopen pechados ou sen uso, serán suxeitos pasivos substitutos do contribuínte, os propietarios.

ARTIGO 4º. RESPONSABLES.

1. Responderán solidariamente do pago desta taxa xunto cos suxeitos pasivos substitutos do contribuínte, os beneficiarios da prestación do servizo por utilizar ou ocupar as vivendas ou locais.

2. Responderán solidariamente das obrigas tributarias do suxeito pasivo, as persoas físicas e xurídicas a que se refiren os artigos 41 e 42 da Lei 58/2.003, de 17 de decembro, Xeral Tributaria.

3. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei Xeral Tributaria.

ARTIGO 5º. BENEFICIOS FISCAIS.

1.—Estarán exentos do pago desta taxa:

- a) O Concello polos edificios e locais da súa titularidade que figuren afectos a un servizo público.
- b) Os suxeitos pasivos cuxos ingresos sexan inferiores ao Indicador Público de Renda de Efectos Múltiples (IPREM).

2. Bonificacións:

- a) Terán dereito a unha bonificación do 50% da cota, respecto da súa vivenda habitual, as persoas físicas, no momento da solicitude, cuxos ingresos anuais, incrementados cos das persoas empadronadas na mesma, non superen a cantidade que resulta de multiplicar por 1,3 o Indicador Público de Renda de Efectos Múltiples (IPREM) durante o ano natural anterior a aquel en que veña a producir efecto.

A estos efectos, consideraranse ingresos anuais os rendimentos íntegros do traballo e do capital mobiliario e inmobiliario, así como os rendimentos de actividades económicas a que se refiren os artigos 17, 25, 22 e 27 da Lei 35/2006, do 28 de novembro, do Imposto sobre a Renda das Persoas Físicas e de modificación parcial das Leis dos Impostos sobre Sociedades, sobre a Renda de Non Residentes.e sobre o Patrimonio.

Para ter dereito a esta bonificación deberá solicitarse polos interesados entre o 1 de outubro e o 31 de decembro de cada ano, xunto coa documentación acreditativa do cumprimento das condicións para o seu outorgamento, e, no caso de resultaren estimadas, producirán efectos para o exercicio seguinte a aquel no que foran formuladas.

Deberá acompañarse á solicitude os seguintes documentos:

- Fotocopia compulsada da declaración da renda do exercicio inmediato anterior ou, no seu defecto, certificación negativa da Delegación da Axencia Estatal da Administración Tributaria, correspondente aos integrantes da unidade familiar.
 - Certificación catastral dos inmobles da súa propiedade.
- b) Terán unha bonificación do 99% os locais sociais das Comunidades de Montes Veciñais en Mancomún, das Asociacións de veciños sen ánimo de lucro ubicadas e con sede física no

Concello, ANPAS, Centros Culturais e Deportivos, cementerios municipais e os edificios e locais da Entidade Local Menor de Morgadáns.

ARTIGO 6º. COTAS TRIBUTARIAS.

1. A efectos de aplicación desta Taxa, considérase que se presta o servizo sempre que se recolla o lixo domiciliario de xeito directa ou a través dun contenedor ou depósito, a unha distancia inferior a 150 metros da vivenda, local ou establecemento.

2. No caso de establecementos comerciais, industriais, profesionais ou de outros usos que se atopen pechados ou sen utilización, se aplicará unha tarifa de vivenda.

3. No suposto de que dentro dunha vivenda se realice unha actividade económica, aplicarase a cota correspondente á actividade realizada.

4. Se nun mesmo local ou recinto se exerceran varias actividades polo mesmo titular, estarán obrigados a contribuir pola tarifa máis alta, máis o 50 % da que corresponda a cada unha das restantes.

5. Cando unha industria, comercio ou establecemento ocupe máis dunha planta, ademais da tarifa aplicable pola actividade que realice satisfará por cada unha das demais plantas a cota de vivenda.

A tal efecto aplicarase a seguinte tarifa:

CONCEPTOS TARIFAS

CONCEPTO	TARIFA
1.- Domicilios particulares	55,00
2.- Cafeterías e bares	
- Ata 100 m2 e sen servizo de comedor	70,00
- Máis de 100 m2 e sen servizo de comedor	100,00
- Ata 100 m2 e con servizo de comedor	200,00
- Máis de 100 m2 e con servizo de comedor	250,00
3.- Restaurantes	
- Ata 250 m2	290,00
- Máis de 250 m2	580,00
4.- Hoteles, hostales	
- Ata 50 habitacións	220,00
- Máis de 50 habitacións	835,00
5.- Local industrial, taller, nave de fabricación ou almacenamento	
- Ata 100 m2	145,00
- De 101 m2 a 500 m2	200,00
- De 501 m2 a 750 m2	250,00
- Máis de 750 m2	395,00
6.- Local comercial	
- Ata 100 m2	70,00
- De 101 m2 a 250 m2	105,00
- Máis de 250 m2	265,00
7.- Entidades bancarias	280,00
8.- Tendas de alimentación	
- Ata 100 m2	90,00
- De 101 m2 a 250 m2	125,00
- Máis de 250 m2	315,00
9.- Outrosestablecementos non incluídos nos apartados anteriores	90,00

ARTIGO 7º. PERÍODO IMPOSITIVO E DEVEÑO.

1. A Taxa pola prestación do servizo de recollida de lixo ten carácter periódico.

2. O periodo impositivo coincide co ano natural, salvo nos supostos de inicio ou cese na súa prestación, nos que o periodo impositivo será o seguinte:

a) Nos supostos de inicio, dende o día en que teña lugar ata o 31 de decembro.

Se entenderá iniciada a prestación do servizo na data de outorgamento da licenza de primeira ocupación e funcionamento, ou dende o momento en que se teña considerada iniciada a actividade.

b) Nos supostos de cese, dende o 1 de xaneiro ate o día en que se produza aquél.

3. A Taxa pola prestación do servizo de recollida de lixo devéñase o primeiro día do periodo impositivo.

4. Cando o periodo impositivo da Taxa esixida pola prestación do servizo de recollida de lixo sexa inferior ao ano natural, o seu importe se prorrateará por trimestres naturais, computándose como completo o de inicio ou cese na prestación do servizo.

ARTIGO 8º. XESTIÓN E LIQUIDACIÓN

1. A Taxa pola prestación do servizo de recollida de lixo, xestionarase mediante padrón, nos supostos de alta do tributo, que o será mediante a práctica dunha liquidación que será notificada individualmente.

2. Para o suposto de alta, o obrigado tributario deberá presentar unha declaración na que manifieste a realización do feito impositivo e comunique os datos necesarios para que a Administración municipal cuantifique a obriga tributaria mediante a práctica da liquidación correspondente.

En todo caso, os obrigados deberán por en coñecemento da Administración municipal toda modificación sobrevenida que podera orixinar baixa ou alteración no padrón no prazo de dous meses dende que se produza a circunstancia determinante da modificación.

ARTIGO 10º. INGRESO.

1. Unha vez producida a alta, a Taxa se exaccionará por padrón, esixíndose o importe da mesma no prazo que sinale o Regulamento Xeral de Recadación para as débedas por recibo.

ARTÍCULO 11º. INFRACCIÓN E SANCIÓN.

En todo o relativo á cualificación de infraccións tributarias, así como sancións que correspondan en cada caso, estarase ao disposto na Lei 58/2003, Xeral Tributaria e normativa de desenvolvemento.

DISPOSICIÓN FINAL.

A presente Ordenanza Fiscal, entrará en vigor ao día seguinte da súa publicación no B.O.P., sendo de aplicación a partir da súa entrada en vigor, permanecendo en vigor ate a súa modificación ou derogación expresas”

Contra este Acordo, conforme ao artigo 19 do R.D.Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, se poderá interpor polos interesados recurso contencioso-administrativo, no prazo de dous meses contados a partir do día seguinte da publicación deste anuncio no Boletín Oficial da Provincia.

En Gondomar a 9 de novembro de 2012. — O Alcalde, Fernando Guitián Guitián.

2012010602

* * *